



Terenga 6: Hōtaka 37 – Tōna tikanga

He Mihi

Kei aku kati taramea, kei aku hinu rautangi te tōrino mai nei i runga i ngā hau e whā, nau mai, rarau mai ki runga ki ngā pāpāringa o te whare o Ako.

Hei Mahi Whakarongo

He ātaahua te hōtaka o Whaikōrero i hangā ai e Mahanga Pihama o Enter The Dragon Productions. Ko Timoti Kāretu rāua ko taku tungāne, ko Rāhui kei te whakapuaki whakaaro ki tēnei mea, ki te kawa.

Anei ngā pātai hei whakautu mā koutou:

- 1) Ko ēhea momo kawa o te whaikōrero e kōrerohia ana?
- 2) He aha te tikanga o te kīanga 'kua mīere te tangata whenua'?
- 3) He aha te mate o te pāeke?

Kia whakarongo tātou ki ngā kōrero mō te kawa o te whaikōrero.


He Whakamārama

E kawea ana te kīanga 'i tōna tikanga' me te kīanga 'ko te tikanga' i tēnei whakaaro: Me puta tika tētehi āhuatanga, kia hāngai ai ki ngā tikanga o taua āhuatanga. Anei ētehi tauria:

1. Tōna tikanga, ka tae au ki te hui, engari kua herea au ki taku tari.
2. Ko koe hei waha mō tātou, i tōna tikanga.
3. Ko te tikanga, he whāriki kei raro i ngā moenga rā.

Ki te whakapākehātia ēnei momo kīanga, ka puta ngā kupu Pākehā '*supposedly*', '*supposed to*' rānei.

He Mahi Ī-papa



Whakamāoritia te rerenga kōrero kei runga i ngā ĩpapa.

Hei Mahi

Whakamāoritia ēnei rerenga kōrero:

1. I was supposed to drive the car.
2. By rights, you should inherit the house.
3. We're supposed to be married in Summer.
4. Supposedly, we're getting a new CEO.

Whakautu:

Mahi ĩpapa: I tōna tikanga, kua rite taku waka i te toru karaka.

Hei Mahi:

1. Ko te tikanga, māku e urungi te waka.
2. I tōna tikanga, me riro i a koe te whare.
3. Te tikanga ka mārena māua i te raumati.
4. Ko te tikanga, ka whai tumuaki hou tātou.